

ENDORSMEN COMMERCIAL VEHICLE 365 PLAN TPFT (BUKAN TARIF)

Sebagai balasan terhadap premium tambahan yang **Anda** telah bayar kepada **Kami** bagi **Endorsmen** ini, manfaat-manfaat berikut akan dilampirkan sebagai tambahan kepada polisi insurans asas **Anda** tertakluk kepada terma dan syarat seperti yang dinyatakan di bawah.

JADUAL MANFAAT-MANFAAT

No	Manfaat-Manfaat	Commercial Vehicle 365 Plan TPFT	
		Jumlah Diinsuranskan	Syarat-Syarat
Kod Endorsmen		MCVTF001	
1	Kematian Akibat Kemalangan	Pemandu / Atendan	setiap individu / kemalangan / tahun polisi
		RM50,000	
2	Hilang Upaya Kekal	Pemandu / Atendan	setiap individu / kemalangan / tahun polisi
	a) Kehilangan kedua-dua belah tangan atau kaki	RM50,000	
	b) Kehilangan penglihatan kedua-dua belah mata		
	c) Kehilangan sebelah tangan dan sebelah kaki		
	d) Kehilangan penglihatan sebelah mata dan sama ada sebelah tangan atau kaki		
	e) Kehilangan sama ada sebelah tangan atau kaki	RM25,000	
	f) Kehilangan penglihatan sebelah mata		
3	Perbelanjaan Perubatan akibat kemalangan	Pemandu / Atendan	setiap individu / kemalangan / tahun polisi
		RM500	
4	Yuran Ambulans	Pemandu / Atendan	setiap individu / kemalangan / tahun polisi
		RM300	
5	Elaun Ehsan Bagi Kerugian Penuh/Menyeluruh / Kecurian Kereta	RM1,000	satu tuntutan / setiap tahun polisi / setiap kenderaan
6	Peralatan Perdagangan, stok perdagangan atau bahan yang rosak dalam kemalangan atau dicuri dari kenderaan		
7	Penyalahgunaan Bahan Api	RM500	satu tuntutan / setiap tahun polisi / setiap kenderaan

DEFINISI

- Endorsmen** merujuk kepada dokumen yang **Kami** keluarkan kepada **Anda** untuk mengesahkan sebarang perubahan atau perlindungan tambahan bagi Polisi asas.
- Hospital** bermaksud institusi yang diiktiraf oleh Kementerian Kesihatan atau sebarang badan yang berkenaan dan dijalankan secara sah untuk menjaga dan memberikan rawatan kepada orang yang cedera dengan kelengkapan yang teratur untuk diagnostik dan pembedahan, mempunyai khidmat dua puluh empat (24) jam jagaan jururawat yang berkecualan dan berdaftar dan penyeliaan perubatan, tetapi tidak merangkumi sebarang institusi yang diusahakan semata-mata sebagai rumah jagaan, institusi mental, atau tempat penjagaan atau pemulihan penagih dadah atau alkohol atau rumah jagaan orang tua.
- Pengamal Perubatan** bermaksud pakar perubatan yang berkelulusan dengan ijazah dalam Perubatan Barat yang berkecualan dan berdaftar untuk mengamalkan perubatan dan pembedahan.
- Tempoh Insurans** bermaksud tempoh tertentu dari tarikh permulaan hingga tarikh luput polisi insurans yang dibeli untuk perlindungan insurans seperti dinyatakan di dalam Jadual.

MANFAAT-MANFAAT

1. KEMATIAN AKIBAT KEMALANGAN

Kami akan membayar jumlah manfaat seperti dinyatakan dalam Jadual Manfaat-Manfaat bagi kecederaan anggota badan mengakibatkan kehilangan nyawa pemandu dan/atau satu atendan yang disebabkan oleh kemalangan ketika menaiki **Kenderaan Anda** dalam tempoh dua belas (12) bulan calendar dari tarikh kemalangan.

Manfaat ini memberikan perlindungan kepada sehingga dua (2) individu (pemandu dan/atau satu atendan) setiap kenderaan dalam mana-mana satu (1) **Tempoh Insurans**.

Manfaat ini diperluaskan untuk melindungi pemilik **Kenderaan Anda** dua puluh empat (24) jam sehari di seluruh dunia tanpa mengambil kira sama ada dia berada di dalam **Kenderaan Anda** atau tidak. Jika **Kenderaan Anda** didaftarkan di bawah pertubuhan/koperasi/syarikat, pemilik **Kenderaan Anda** boleh menamakan seorang individu untuk dilindungi di bawah perluasan perlindungan/manfaat ini.

2. HILANG UPAYA KEKAL

Kami akan membayar jumlah manfaat seperti dinyatakan dalam Jadual Manfaat-Manfaat bagi hilang upaya kekal akibat kecederaan anggota badan pemandu dan/atau atendan yang disebabkan oleh kemalangan ketika menaiki **Kenderaan Anda** dalam tempoh dua belas (12) bulan kalendar dari tarikh kemalangan.

Jadual Pampasan

Keterangan Pampasan Hilang Upaya	Pampasan (Peratus (%) daripada Amaun Prinsipal Diinsuranskan)
Kehilangan kedua-dua belah tangan atau kaki	100
Kehilangan penglihatan kedua-dua belah mata	
Kehilangan sebelah tangan dan sebelah kaki	
Kehilangan penglihatan sebelah mata dan sama ada sebelah tangan atau kaki	
Kehilangan sama ada sebelah tangan atau kaki	50
Kehilangan penglihatan sebelah mata	

Kehilangan kekal keseluruhan penggunaan bahagian badan hendaklah dianggap sebagai kehilangan bahagian badan.

Agregat semua peratus boleh dibayar di bawah manfaat hilang upaya kekal untuk mana-mana satu kemalangan tidak boleh melebihi 100% amaun prinsipal diinsuranskan seperti yang dinyatakan dalam Jadual bagi setiap individu.

Jika berlaku tuntutan hilang upaya kekal yang kemudiannya diikuti oleh kematian pemandu dan/atau satu atendan akibat kemalangan yang sama, jumlah amaun yang akan dibayar tidak akan melebihi amaun prinsipal untuk kematian akibat kemalangan.

Manfaat ini diperluaskan untuk melindungi pemilik **Kenderaan Anda** dua puluh empat (24) jam sehari di seluruh dunia tanpa mengambil kira sama ada dia berada di dalam **Kenderaan Anda** atau tidak. Jika **Kenderaan Anda** didaftarkan di bawah pertubuhan/koperasi/syarikat, pemilik **Kenderaan Anda** boleh menamakan seorang individu untuk dilindungi di bawah perluasan perlindungan/manfaat ini.

Manfaat ini memberikan perlindungan kepada sehingga dua (2) individu (pemandu dan/atau satu atendan) setiap kenderaan dalam mana-mana satu (1) **Tempoh Insurans**.

3. PERBELANJAAN PERUBATAN

Kami akan membayar perbelanjaan sebenar yang dikenakan sehingga amaun seperti dinyatakan dalam Jadual Manfaat-Manfaat dalam tempoh lima puluh dua (52) minggu dari tarikh kemalangan untuk rawatan, caj hospital dan yuran jururawat apabila pemandu dan/atau satu atendan perlu mendapatkan rawatan daripada **Pengamal Perubatan**, diwadkan dalam **Hospital** atau pengupahan jururawat berlesen atau berijazah akibat kecederaan anggota badan yang disebabkan oleh kemalangan ketika menaiki **Kenderaan Anda**.

Manfaat ini memberikan perlindungan kepada sehingga dua (2) individu (pemandu dan/atau satu atendan) setiap kenderaan dalam mana-mana satu (1) **Tempoh Insurans**.

4. YURAN AMBULANS

Kami akan membayar balik yuran ambulans yang dikenakan sehingga amaun seperti dinyatakan dalam Jadual Manfaat-Manfaat untuk perkhidmatan ambulans yang membawa pemandu dan/atau satu atendan ke dan/atau dari **Hospital** apabila perlu bagi kecederaan anggota badan yang disebabkan oleh kemalangan ketika menaiki **Kenderaan Anda**.

5. ELAUN EHSAN BAGI KERUGIAN PENUH/MENYELURUH / KECURIAN KERETA

Kami akan membayar amaun yang bersamaan dengan 10% daripada jumlah diinsuranskan **Kenderaan Anda** sehingga amaun seperti dinyatakan dalam Jadual Manfaat-Manfaat sekiranya **Kenderaan Anda** diisytiharkan sebagai kerugian penuh/menyeluruh atau dicuri dan tuntutan tersebut telah dibayar di bawah Seksyen A Polisi.

Manfaat ini hanya akan dibayar jika **Kenderaan Anda** tidak dapat dijumpai / diperolehi kembali dalam tempoh 21 hari dari tarikh kerugian.

6. PERALATAN PERDAGANGAN, STOK PERDAGANGAN ATAU BAHAN YANG ROSAK DALAM KEMALANGAN ATAU DICURI DARI KENDERAAN

Kami akan membayar kerugian atau kerosakan peralatan perdagangan, stok perdagangan dan bahan akibat kemalangan yang melibatkan **Kenderaan Anda**, untuk berikut:

- peralatan perdagangan, stok perdagangan atau bahan yang dicuri melalui kemasukan secara paksa dan ganas ke dalam kenderaan yang berkunci dan/atau bekas peralatan yang dipasang ke atas **Kenderaan Anda**; atau
- peralatan perdagangan, stok perdagangan atau bahan yang rosak akibat perlanggaran terhadap **Kenderaan Anda**.

Barang perhiasan, barangan berharga yang diperbuat daripada logam seperti emas, perak dan barangan kaca tidak termasuk dalam perlindungan manfaat ini.

Stok perdagangan dan bahan merujuk kepada:

- bahan mentah dan komponen – siap untuk digunakan untuk proses pengeluaran
- kerja mengikut jadual – stok barang yang belum siap sepenuhnya untuk proses pengeluaran
- barang yang siap dan sedia untuk dijual
- bahan habis pakai – bahan bakar, alat tulis, baja, dan lain-lain.

Laporan polis yang merangkumi butiran kejadian dan kerugian yang dialami – pemandu dan/atau satu atendan diperlukan semasa membuat tuntutan. Laporan polis tersebut mesti dilakukan dalam masa dua puluh empat (24) jam dari waktu kejadian melainkan terdapat sebab-sebab yang diterima oleh **Kami**.

7. PENYALAHGUNAAN BAHAN API

Kami akan membayar kos berikut sehingga had seperti dinyatakan dalam Jadual Manfaat-Manfaat sekiranya berlaku penyalahgunaan petrol / bahan bakar (petrol / diesel):

- mengalirkan dan mengepam tangka bahan bakar **Kenderaan Anda** di lokasi dengan menggunakan kenderaan khas tepi jalan; atau
- pemulihan **Kenderaan Anda**, ke **Bengkel** terdekat untuk mengalirkan dan mengepam tangka bahan bakar.

Manfaat ini tidak akan memberikan perlindungan untuk keadaan-keadaan berikut:

- kerosakan mekanikal atau komponen terhadap **Kenderaan Anda** sama ada disebabkan oleh penyalahgunaan bahan api atau sebaliknya.
- sebarang tuntutan melibatkan penyalahgunaan bahan api yang berlaku dalam tempoh 14 hari dari tarikh permulaan Polisi (kecuali jika Polisi telah diperbaharui dengan **Kami**).
- sebarang bahan api yang diperlukan untuk mengisi semula tangka bahan api selepas penyaliran dan pengeluaran bahan api yang tercemar.
- sebarang tuntutan yang disebabkan oleh benda asing yang memasuki sistem bahan bakar kecuali diesel atau petroleum.
- sebarang perbelanjaan yang tidak disokong dengan resit asal atau laporan bertulis dari pakar yang mengalirkan atau memulihkan tangki bahan bakar **Kenderaan Anda**.
- kehilangan penggunaan **Kenderaan Anda** akibat penyalahgunaan bahan api.

PERUNTUKAN KHAS

- Sebarang tuntutan manfaat-manfaat di bawah **Endorsmen** ini tidak akan menjejaskan kelayakan NCD dan tiada Ekses akan dikenakan. Pengembalian semula perlindungan manfaat-manfaat yang disediakan adalah tidak dibenarkan.
- Endorsmen** ini tidak memberi perlindungan untuk manfaat 1 dan 2 di bawah keadaan-keadaan berikut:
 - Kerugian yang disebabkan secara langsung atau tidak langsung, sepenuhnya atau sebahagiannya, oleh
 - jangkitan bakteria (kecuali jangkitan piogenik di mana ia berlaku akibat luka dari kemalangan);
 - apa-apa sakit atau penyakit; atau
 - rawatan perubatan atau rawatan pembedahan (kecuali yang mungkin perlu akibat kecederaan yang dilindungi oleh **Endorsmen** ini dan berlaku dalam tempoh yang dinyatakan di dalam **Endorsmen**)
 - Sebarang kecederaan anggota badan yang mengakibatkan hernia.
 - Mencederakan diri sendiri atau sebarang cubaan melakukannya (siuman atau tidak siuman).
 - Kerugian yang disebabkan oleh peperangan, serangan, tindakan musuh asing, pemusuhan atau operasi ketenteraan (sama ada peperangan diisytiharkan atau tidak), dahagi, peperangan sivil, pemberontakan, revolusi, insureksi, persubahatan, rampasan kuasa tentera, undang-undang tentera atau darurat atau mana-mana peristiwa yang mencetuskan deklarasi undang-undang tentera atau darurat, rampasan, kuarantin, atau undang-undang adat atau nasionalisasi oleh atau dibawah arahan kerajaan atau pihak berkuasa awam atau tempatan, atau apa-apa senjata atau alat-alat yang menggunakan pembelahan atom atau tenaga radioaktif, sama ada di dalam masa tenteram atau peperangan. Pengecualian ini tidak dipengaruhi oleh sebarang **Endorsmen** yang tidak merujuk secara khusus kepada perkara yang tersebut di atas, secara keseluruhan atau sebahagian. Orang Yang Diinsuranskan seharusnya, jika diminta, dan sebagai syarat duluan kepada mana-mana liabiliti **Kami**, membuktikan bahawa kerugian tersebut tidak timbul di bawah atau melalui mana-mana pengecualian, keadaan atau sebab yang tersebut di atas.
 - Sebarang kerugian yang berlaku semasa kenderaan komersial digunakan untuk tujuan sewa, perlumbaan, rali jalan raya, ujian kelajuan atau kegunaan untuk sebarang tujuan yang berkaitan dengan perdagangan motor.
 - Pemandu tidak mempunyai lesen yang sah untuk memandu kenderaan atau tidak mempunyai kelayakan untuk memiliki atau memperolehi lesen memandu yang sah di bawah undang-undang Jabatan Pengangkutan Jalan Raya Malaysia.
 - Kenderaan tersebut digunakan untuk aktiviti/perniagaan tidak sah atau sebagai pengangkutan yang tidak berlesen.
 - Kelahiran anak, keguguran atau kehamilan melainkan disebabkan semata-mata dan secara langsung oleh kemalangan kepada pemandu dan/atau atendan semasa memandu atau menumpang, menaiki atau turun dari **Kenderaan Anda**.
 - Pemandu di bawah pengaruh minuman keras, arak yang memabukkan atau dadah-dadah.

Jika **Anda** tidak berpuas hati dengan tindakan yang **Kami** ambil atau keputusan yang **Kami** buat, **Anda** boleh mengambil tindakan menerusi Unit Pengendalian Aduan **Kami** dan secara alternatif, boleh mengemukakan laporan dan mendapatkan bantuan daripada Perkhidmatan Ombudsman Pasaran Kewangan (FMOS) atau menghubungi BNMLINK (Laman Informasi Nasihat dan Khidmat) Bank Negara Malaysia yang dinyatakan dalam polisi insurans asas **Anda**.